



Gemeng Munneref

COVID-19 : Wichteg Informatiounen

Léif Biergerinnen, Léif Bierger,

D'Regierung huet den Ausnamezoustand ausgeruff, deen dréngend erfuerderlech Mesure fir d'Preventioun vun de liewenswichtigen Interessen vun der Populatioun zouléisst.

D'Gemengen huelen aktiv un dëse Mesuren Deel. Aus deem Grond rappeléiert de Schäfferot wéi eng Instruktiounen jidderee gewëssenhaft ze respektéieren huet fir dass dës Moossnamen am Kampf géint d'Verbreedung vum Virus COVID-19 Erfolleg kënnen hunn :

1) Limitatioun vun den Déplacementer fir d'Allgemengheet

- evitéiert komplett oder reduzéiert op de strikte Minimum all Déplacementer. Autoriséiert sinn Déplacementer ob d'Aarbechtsplaz, fir Akeef vu Liewensméttel a pharmazeutesche Produkter souwéi fir eng dringend Visite médicale
- wann Déplacementer néideg sinn, haalt w.e.g. Minimum 2 Meter Sëcherheetsdistanz zu Drëtten
- evitéiert Kontakt zu anere Persounen, virun allem zu ufällege Persounen (Persounen mat cardio-vasculaire Krankheeten, Longenerkrankungen, Diabetes, Kriibs, ufälleg Persounen oder Persounen ab 60 Joer) fir hir Sëcherheet ze assuréieren
- Manifestatiounen, Versammlungen, Gespréicher oder Spadséiergänger am Grupp si net méi erlaabt a kënnen Sanktiounen bis zu 145 € mat sech droen

2) Limitéierten Accès a Schlësse vu verschiddenen ëffentleche Gebaier

- Aktuell funktionnéieren d'Gemengeservicer am "service réduit" :
 - déi administrativ Büroer vun der Gemeng funktionnéieren nëmmen op Rendez-vous. Fir administrativ an technesch Urgence kontaktéiert ons per Telefon op der Nummer 23 60 55 - 1 oder per e-mail info@mondorf-les-bains.lu
 - den Office social assuréiert Rendez-vous'e fir strikt Urgencen.
Tel. : 621 183 567 / laura.balaguer@mondorf-les-bains.lu
Tel. : 621 967 010 / carla.spielmann@mondorf-les-bains.lu
 - Schlësse vun all de Spillplazen, de Multisport bei der Primärschoul an de Stade John Grün (Fussballsterrainen, de Boulodrome an de Beach-volleyball) abegraff
 - Schlësse vum Recyclingpark
 - Schlësse vun de Chantieren
 - Temporäert Aussetze vum Mondibus
- **aner Servicer**
 - d'Primärschoul, d'Maison Relais, d'Museksschoul souwéi d'Crèche bleiwen zou bis de 19. Abrëll 2020
 - d'Entsuegung vun den Offäll bleift garantéiert
 - Annulatioun vu der Kleedersammlung den 23.03.2020
 - Annulatioun vum Service Nightrider

- D'Restauranten, d'Caféen an d'Geschäfte sinn zou mat Ausnam vun de Liewensmëttelgeschäfte, den Apdikten, den Optiker, der Post, de Banken, den Tankstellen, den Zeitungsgeschäfte souwéi de Geschäfte mat Hygiènesartikelen

3) Annulatioun vun Evenementer

All zukünfteg kommunal Evenementer sinn annulléiert an ob e spéideren Datum verluecht. Dat betrëfft och all d'Manifestatiounen, de Munnerefer Maart, Reuniounen oder a kommunale Gebaier geplangte Privatfeieren.

4) Akeef déi vun der Gemeng Munneref organiséiert ginn fir Leit déi 60 Joer al sinn oder méi, fir ufälleg Leit a fir Leit déi sech a Quarantän befannen

D'Mataarbechter vun der Gemeng garantéieren dëse Service fir déi betreffend Persounen. Dir sidd gebieden eis per Telefon ze kontaktéieren op der Nummer 23 60 55 -1 nëmmen moies tëschent 08.00 an 12.00 Auer (méindes bis freides) oder per Mail op reception@mondorf-les-bains.lu. Zu dësem Zweck gëtt Iech eng virgedréckte Lëscht vun eise Mataarbechter ausgehändegt. D'Akeef ginn den Dag no der Bestellung geliewert. Eng Rechnung mat der reelle Käschte vun den Akeef kritt Dir vun der Gemeng geschéckt. Zousätzlech huet de Wirtschaftsministère eng online Verkaufsplattform **corona.letzshop.lu** an d'Liewe geruff, déi eng weider Hëllef duerstellt.

De Schafferot mécht een Opuuf an Är Solidaritéit an un Äert Verantwortungsgefill. Et ass onbedéngt néideg, dass all Awunnerinnen an Awunner all d'Virschreften vun der Regierung am Kampf géint de Virus COVID-19 strikt anhale, fir dass déi ufälleg Persounen geschützt ginn.

Dofir :

- **Bleift doheem !**
- **Respektéiert déi hygiënesch Virschreften a wäscht Är Hänn an évitéiert Kierperkontakt !**
- **Évitéiert egoistescht an onverantwortlecht Verhalen wéi z.B. Hamsterkeef !**
- **Évitéiert jiddfer Form vu Panik a bleift roueg !**

Nëmmen zesumme kënnen mir dës schwéier sanitär Situatioun bekämpfen déi fir eis all schlecht ze erdroen ass.

Bleift informéiert andeems Dir folgend Servicere consultéiert

 **SMS2CITIZEN** www.sms2citizen.lu –  Facebook - Page Mondorf-les-Bains
www.mondorf-les-bains.lu – www.gouvernement.lu – www.sante.lu – www.corona.letzshop.lu

Fir all aner Froen kënnt Dir Iech un d'Hotline coronavirus vum Gesondheitsministère wenden: **8002 8080**

De Schafferot